

Derogatio  
contractionum

§.3. Non obstantibus Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, necnon Ordinum, quorum personae hujusmodi professe fuerint, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis, Ordinibus praedictis, vel eorum Superioribus, aut singularibus personis quomodolibet concessis, approbatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis aliis in suo robore permanentibus, ad praesentium effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctum Petrum, sub Annulo Piscatoris, die 26. Septembris 1645. Pontificatus nostri Anno I.

Ex Regest. in  
Secret. Brev.

Impositio perpetui silentii super controversiis pendentibus pro Abbacia Generali Ordinis Sancti Antonii Viennensis, & illarum compositione.

INNOCENTIUS PAPA X.  
Ad futuram rei memoriam.

Procurator

§.1. Alvaloris, & Domini Nostri Jesu Christi, qui charitas est, & Deus Patris, vices meritis licet imparibus gerentes in terris, Apostolica auctoritate nostrae partes in hoc libenter interponimus, ut inter Christianos praesertim quomodolibet Altissimo sub suavi ejusdem religionis jugo famulantes subductis controversiarum anfractibus, sincera animarum concordia vigeat, & fraternae charitatis fervor exsuet, ipsique dissidiorum fomentis penitus extinctis, in pacis, & tranquillitatis amoenitate quietius reddant Deo vota sua.

Extinguat  
controversias, &  
lites super  
Abbacia Generali  
Ord. S. Antonii  
Viennensis.

§.1. Volentes itaque controversias a pluribus annis inter dilectos filios Franciscum Marcherium, & ei adherentes ex una, & alios Religiosos Ordinis Sancti Antonii Viennensis, ex altera partibus super Abbacia Generali ejusdem Ordinis vertentes penitus extinguere, damnaque, & incommoda, quae ex diuturnitate litis hujusmodi hucusque provenerunt, & ex ulteriore illius protrahatione proventura timentur, evitari, audita relatione, & voto particularis Congregationis nonnullorum dilectorum filiorum nostrorum Sanctae Romanae Ecclesiae Cardinalium, & Romanae Curiae Praelatorum ad hoc negotium discutiendum, & examinandum specialiter a Nobis deputate, Motu proprio, ac ex certa scientia, & matura deliberatione nostris, deque apostolica potestate plenitudine pro bono pacis, & beneficio dicti Ordinis controversias, & lites super Abbacia Generali hujusmodi hactenus motas, ac

coram praedicta Congregatione, & quibusvis aliis Tribunalibus, & Judicibus indecisas pendentes ab illis in statu, & terminis in quibus reperuntur ad Nos harum serie avocamus, ac illas penitus, & omnino suppressimus, extinguimus, & abolemus.

§.3. Necnon utriusque parti desuper, tam in petitorio, quam in possessorio perpetuum silentium imponimus, ipsisque, & eorum cuilibet super praemissis perpetuos claudimus, tutumque negotium hujusmodi eo quo sequitur modo componimus, videlicet: praedicto Francisco Marcherio permittimus, ut Abbatis titulo, non tamen Generalis, et ad honorem dumtaxat posterum perpetuo utatur.

De hac re si  
lencium utriusque  
parti imponit,  
solumque  
titulum  
Abbatis, non  
vero Generalis  
concedit.

§.3. Pro ipsis vero Francisci alimentis, & congrua sustentatione eidem de annua pensione scutorum octingentorum monete Romanae in Urbe persolvenda ejus vita durante responderi; quo vero ad socios, videlicet dilectos etiam filios Fabianum de Laetic Lucam du Mas, Antonium Callumeum, & Joannem Menin, qui cum eo Romam venerunt, & ibidem extra claustra degunt, eosdem recipi intra Monasteria, seu Damos Regulares praedicti Ordinis, ac ibidem per Superiores, & alios ad quos spectabit benevole tractari, quantum autem re mature discussa Congregatio praedicta satius duxerit pro majori ejusdem Ordinis quiete, aut alio rationabili respectu, ut ad claustra praedicta non redeant, tunc per eandem Congregationem illis aliquo alio modo decenter, & opportune provideri, necnon in tali casu alimentum subministrari ad rationem centum scutorum annuorum ejusdem monetae Romanae pro quolibet ipsorum donec vixerit, vel intra claustra receptus, & alimentatus non fuerit.

Cogitat pro  
sustentatione,  
& victu dictorum  
Monachorum.

§.4. Praeterea attentis ex una parte plurimis sumptibus, & expensis per praedictum Franciscum Marcherium, & Socios post egressum e Monasterio Viennensi, tam occasione litis, quam alimentorum, ac etiam concordiae diu multumque agitatae factis, ac ere alieno, & debitis propterea contractis, ex altera vero parte diversis pecuniarum summis dicto Francisco Marcherio, & Sociis in pluribus vicibus, ac variis temporibus per adversarios solutis, necnon aliis pecuniis, & bonis mobilibus per eundem Franciscum Marcherium, & respective per Socios, tam in Gallia, quam Romae ex Monasteriis Sancti Antonii Viennensis, & de Urbe post litem motam habitis, & receptis, ac in sui usum conversis, vel alias distractis eidem Francisco Marcherio, & Sociis scuta 3000. praedictae monetae Romanae pro una vice dumtaxat solvi, & tam hujusmodi solutionem, quam annuas praestationes antedictas per mensam Abbatialem Sancti Antonii Viennensis fieri mandamus.

3000. manetae  
Romanae scuta  
Francisco  
Marcherio,  
sumptibus, &  
debitis contractis  
solvi jubet.

§.5. Pro faciliiori vero illarum executione dictis Francisco Marcherio, & Sociis actionem nedom contra bona mensae praedictae, sed etiam quorumcumque aliorum

Eidem Marcherio, & sociis actionem pro solutione in quacumque

Monasteria  
concedit.

Quod possint  
facta solutione  
novum Abbatem  
Generale eligere.

Decretum  
irritans.

Derogat  
contrariis.

Dat. die 17.  
Octobr. 1645.  
An. II.

rum Monasteriorum ejusdem Ordinis ubicumque existentium concedimus, reservata tamen facultate, aliis Monasteriis hujusmodi se revalendi, & indemnizandi contra bona dicti Monasterii, & Abbatiae S. Antonii Viennensis. Quantum vero attinet ad expensas in hujusmodi causa hinc inde factas, utramque partem ab earum restitutione absolvimus, & liberamus.

§.6. Ac demum Religiosos Conventuales Sancti Antonii Viennensis, postquam praesentes nostras literas acceptaverint, ac pecunias dicto Francisco Marcherio, & Sociis, ut praefertur, decretas persolverint, aut in Sacro Monte Pietatis de Urbe eis solvendas deposuerint, ad electionem novi Abbatis Generalis servatis servandis procedere posse, ac eandem praesentes literas validas, firmas, & efficaces existere, & fore, suosque plenarios, & integros effectus sortiri, & obtinere; Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales etiam de latere Legatos sublati eis, & eorum cuilibet navis aliter judicandi, & interpretandi facultate, & auctoritate judicari, ac definiti debere, ac irritum, & inane, quidquid secus super his a quocumque quavis auctoritate scienter, vel ignoranter contigerit attentari decernimus, & declaramus.

§.7. Non obstantibus praemissis, ac quantum opus sit, nostra de non tollendo jure quaesito, & quibusvis aliis Apostolicis, necnon Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, Ordinibusque, & Monasteriorum praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, approbatis, & innovatis. Quibus omnibus, & singulis illorum tenores praesentibus pro plene, & sufficienter expressis habentes, illis aliis in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris, die undecima Octobris 1645. Pontificatus nostri Anno Secundo.

XLIV.  
Quod nullus Monachus Congregationis Cassinensis in Decanum eligi possit, nisi prius in Sacra Theologia, vel Sacris Canonibus consuetos cursus sine interruptione peregerit.

De istorum Monachorum Congregatione, vide Constit. CDIV. Sancta Mater. Tom. VI. Par. II. fol. 316.

INNOCENTIUS PAPA X.  
Ad futuram rei memoriam.

Um sicut, dilectus filius Procurator Generalis Congregationis Cassinensis Ordinis Sancti Benedicti Nobis nuper exponi fecit, a Capitularibus proxime praeteriti Capituli Generalis ejusdem Congregationis, quo illius Monachi studio ferventius incumbant, & ad bonarum literarum cognitionem impensius excitentur, factum fuerit decretum tenoris sequentis, videlicet: Nullus deinceps in Decanum eligi possit, nisi prius in Sacra Theologia, vel Sacris Canonibus consuetos cursus sine interruptione peregerit, earumque facultatum publicas conclusiones laudabiliter sustinuerit, habita de his omnibus in scriptis, ac juramento firmata ab iis Lectoribus, & Praelatis, apud quos praedictis facultatibus infudaverit, attestacione a Capitulo Generali approbanda; Theologiae vero cursus non nisi per integrum septennium, computato triennali cursu Philosophiae adimpleri possit. Sacrorum etiam Canonum per quadriennium. Hujus tamen Decreti obligatione non teneantur, nisi qui nondum sexennium in Congregatione impleverint. Qui vero Religiosis ordine provectiores fuerint, studio moralis saltem Theologiae incumbere debeant, nisi supradictos cursus, & ipsi peregerint, alias in Decanos eligi nequeant. Datum in Monasterio Sancti Petri de Perusia 15. Maii 1645.

Motiva

D. Gregor. ab Aretio Cancell. §.1. Quo vero decretum praesertim firmius subsistat, & exactius observetur, idem Procurator Generalis dictae Congregationis nomine, illud per Nos confirmari summopere desideret. Nos eundem Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus illius nomine Nobis super hoc humiliter porrectis inclinatis, Decretum praesertim Apostolica auctoritate, tenore praesentium confirmamus, & approbamus, illique inviolabilis, Apostolica firmitatis robor adijcimus: ac omnes, & singulos, tam juris, quam facti defectus, si qui desuper quomodolibet interveverint, supplemus.

Peritio Procuratoris Generalis pro decreto validitate.

§.2. Decernentes praesentes literas validas, firmas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis, ad quos spectat, & pro tempore quomodolibet spectabit, in futurum inviolabiliter, & inconcussè observari; Sicque per quoscumque Judices ordinarios, & delegatos, etiam causarum Palatii Apostolici Auditores, judicari, & definiti debere, ac irritum, & inane, si secus super his a quo-

Decretum irritans.

Adversus refuta-  
torem.

quoquam, quavis auctoritate, scienter, vel ignoranter contigerit attentari.

§.3. Non obstantibus Constitutionibus, & Ordinationibus Apostolicis, ac ejusdem Congregationis, etiam juramento, confirmatione apostolica, vel quavis alia firmitate, roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis habentes, illis aliis in suo robore permanentibus, ad præmissorum effectum, specialiter, & expresse derogamus, cæterisque contrariis quibuscumque.

Decreto huic  
fides servanda

§.4. Volumus autem, ut præsentium transumptis, etiam impressis, manu alicujus Notarii publici subscriptis, & sigillo personæ alicujus in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Dat. die 7.  
Nov. 1645.  
An. II.

Datum Romæ apud S. Mariam Majorem, sub Annulo Piscatoris, die 7. Novembris 1645. Pontificatus nostri An. II.

XLV.

Manilan. Universitatis Sancti Thomæ fundatio.

INNOCENTIUS PAPA X.  
Ad futuram rei memoriam.

Exordium.

IN supereminenti Apostolicæ Sedis specula, meritis licet imparibus, disponente Domino constituti, & intra mentis nostræ arcana revolventes, quantum ex literarum studiis Catholica fides augeatur, Divini Numinis cultus protendatur, veritas agnoscat, ac iustitia colatur ad ea, propter quæ literarum studia hujusmodi ubilibet excitentur, & humiles personæ eis incumbere desiderantes id efficere possint libenter intendimus, & in eis nostræ sollicitudinis partes propensius impertimur, prout pia Christifidelium, præsertim regali dignitate fulgentium, vota exposcunt, Nosque locorum qualitate pensata in Domino conspiciamus salubriter expedire.

Postulatio Hispaniarum Regis pro fundatione universitatis in Insulis Philippinis Indiarum Occidentalium, unum sub denominatione Sancti Thomæ Collegium Ordinis Fratrum Sancti Dominici existat, in quo triginta Alumni seculares educantur, & Grammatica, Rhetorica, Logica, Philosophia, ac Theologia Scholastica, & Moralis docentur, seu leguntur, magna cum Incolarum illarum partium utilitate; Civitas vero Manilana plusquam tribus leucarum millibus a vicinioribus Studiorum Generalium Universitatibus, nempe Limana, & Mexican. distet, & propterea idem Philippus Rex in Collegio prædicto Academiam per Nos erigi, & institui summopere desideret.

§.1. Cum itaque, sicut nomine carissimi in Christo filii nostri Philippi Hispaniarum Regis Catholici, Nobis nuper expositum fuit, in Civitate Manilan. in Insulis Philippinis Indiarum Occidentalium, unum sub denominatione Sancti Thomæ Collegium Ordinis Fratrum Sancti Dominici existat, in quo triginta Alumni seculares educantur, & Grammatica, Rhetorica, Logica, Philosophia, ac Theologia Scholastica, & Moralis docentur, seu leguntur, magna cum Incolarum illarum partium utilitate; Civitas vero Manilana plusquam tribus leucarum millibus a vicinioribus Studiorum Generalium Universitatibus, nempe Limana, & Mexican. di-

stet, & propterea idem Philippus Rex in Collegio prædicto Academiam per Nos erigi, & institui summopere desideret.

§.2. Nobis idcirco ejusdem Philippi Regis nomine humiliter supplicatum fuit, quatenus Incolarum Civitatis prædictæ commodis, & in bonis literis institutioni consulendo in dicta Civitate, ac ædibus Collegii prædicti Academiam, in qua Religiosi dicti Ordinis Grammaticam, Rhetoricam, Logicam, Philosophiam, & Theologiam Scholasticam, & Moralem publice profiterentur, ac juvenes quoscumque docerent, Apostolica auctoritate, erigere, & instituere, aliasque in præmissis opportune providere, de benignitate Apostolica dignaremur.

Scientie recenseatur, quibus illi populis sacra bunt opetam.

Philippi Regis voluntati annuitur.

§.3. Nos igitur piis ejusdem Philippi Regis votis hujusmodi favorabiliter annuere volentes, hujusmodi supplicationibus inclinati, de nonnullorum dilectorum filiorum nostrorum Sanctæ Romanæ Ecclesiæ Cardinalium, ac Romanæ Curie Prælatorum, desuper a Nobis deputatorum consilio in prædicta Civitate Manilan. in ædibus dicti Collegii ubi nunc Scholæ sunt, seu forsân in ampliorem formam construuntur, Academiam in qua Religiosi dicti Ordinis Grammaticam, Rhetoricam, Logicam, Philosophiam, ac Theologiam Scholasticam, & Moralem publice profiteantur, & juvenes quoscumque doceant, duraturam dumtaxat donec, & quousque aliqua publica Studii Generalis Universitatis in dicta Civitate Manilan, seu illius Provincia, Apostolica auctoritate erecta fuerit, eadem auctoritate, tenore præsentium, sine tamen cujuscumque præjudicio erigimus, & instituimus, ipsamque Academiam, sic erectam, & institutam curæ, regimini, & administrationi dicti Ordinis, & illius Magistri Generalis pro tempore existentis, seu ab eo deputandi, qui totius Academiæ, illiusque Rectori, Magistris, Scholasticis, aliisque prædictis universis, & singulis, ut omnibus, & quibuscumque privilegiis, indultis, libertatibus, immunitatibus, exemptionibus, favoribus, gratiis, prærogativis, honoribus, & præminentis hujusmodi Academiis, illamque pro tempore existentibus Rectoribus, Magistris, Lectoribus, Doctoribus, Præceptoribus, Scholasticis, Procuratoribus, Bidellis, Nunciis, Officialibus, Ministris, & aliis personis in genere, vel in specie quomodolibet concessis, non solum ad eorum instar, sed pariformiter, & æque principaliter in omnibus, & per omnia uti, potiri, & gaudere.

Numerantur gradus ad quos promoveri poterunt illi, qui studia enixe colent.

§.4. Et insuper Rectori ejusdem Academiæ, & Collegii pro tempore existentis, ut donec hujusmodi Academia, ut præmittitur duraverit, illos, quos in ipsa Academia sic erecta per debitum tempus studuisse, ac scientia, & moribus idoneos esse repererit in prædictis facultatibus, quæ in dicto Collegio, ut præfertur, docentur, seu leguntur ad Baccalaureatus etiam formati, Licentiatuæ Laureæ, ac Doctoratus,

Servata semper auctoritate Conciliorum Viennensium & Tridentinorum.

ratus, necnon Magisterii gradus, servata in omnibus, & per omnia forma Decretorum Viennensium, & Tridentini Conciliorum, quibus in aliquo derogare non intendimus, & alias laudabiles aliarum Academicarum consuetudines promovere, & ipsorum graduum insignia eis exhibere, utque ad dictos gradus sic per illum promoti, postea publice, privatimque etiam in omnibus aliis Academiis, & Universitatibus Studiorum generalium facultates prædictas interpretari, & alios docere, de eis disputare, gradui, seu gradibus hujusmodi convenientes actus exercere, necnon omnibus privilegiis, favoribus, gratiis, prærogativis, & indultis, quibus alii in prædictis, seu aliis Academiis, Universitatibus, & alibi juxta illarum Constitutiones, & mores ad gradus prædictos promoti de jure, vel consuetudine utuntur, potiuntur, & gaudent, ac uti, potiri, & gaudere poterunt in futurum, in omnibus, & per omnia perinde, ac si gradus in Academiis, seu Universitatibus hujusmodi juxta illarum mores, & consuetudines rite suscepissent uti, potiri, & gaudere, necnon pro tempore existentis dicti Ordinis Magistri Generali, ut per se, vel dictorum Collegii, & sic erectæ Academiæ Rectorem, aut alium, vel alios pro salubri, & felici dictæ Academiæ directione, & Rectoris, Magistrorum, Procuratorum, Bidellorum, Nunciorum, & aliorum, & Officialium muneribus, & functionibus modoque, & forma docendi, & alias sua officia exercendi, & Scholasticorum mantentione, quæcumque statuta, & ordinationes licita tamen, & honesta, ac Sacris Canonibus, & Concilii Tridentini Decretis, & Constitutionibus Apostolicis non contraria edere, & promulgare, eaque pro temporum, rerum, & personarum qualitate mutare, corrigere, & reformare, seu illa cassare, & abrogare, & alia de novo edere, & super illorum observatione pœnas ejus arbitrio imponere, dictæque Academiæ Doctores, Magistros, Lectores, Scholasticos, Procuratores, Bidellos, aliosque Ministros, & Officiales eligere, & amovere, seu electiones factas confirmare libere, & licite valeant, auctoritate, & tenore prædictis concedimus, & indulgemus.

Decreto irritans.

§.5. Præsentes nostras vero literas, validas, firmas, & efficaces fore & esse, suoque plenarios, & integros effectus sortiri, & obtinere; Sicque, & non aliter per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales judicari, & definiri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari decernimus.

Derogatio contrariariorum.

§.6. Non obstantibus Constitutionibus, & Ordinationibus Apostolicis, & quatenus opus sit, dicti Ordinis, etiam juramento, confirmatione apostolica, vel alia quavis firmitate roboratis statutis, & con-

suetudinibus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris, die vigesima Novembris 1645. Pontificatus nostri Anno II.

Dat. die 20. Nov. 1645. An. II.

XLVI.

Confirmatio nonnullarum Constitutionum Summorum Pontificum pro communi bono editarum cum revocatione quarundam gratiarum contra illarum dispositionem concessarum.

INNOCENTIUS PAPA X.  
Ad perpetuam rei memoriam.

ET si ea quæ pluribus Romanorum Pontificum Prædecessorum nostrorum Constitutionibus pro bono communi provide sancita, & sæpius confirmata, & innovata fuerunt novæ approbationis adjectione minime indigere videantur; quia tamen plerumque accidit, ut rerum vel maxime utilium nisi crebro excitetur, sensim effluat memoria, ac etiam quia post editas, & promulgatas Constitutiones hujusmodi multa per nonnullos ex Prædecessoribus præfatis, quorundam importunis precibus ut verisimile est, inductos concessa fuisse comperimus, quæ earundem Constitutionum vim non leviter infringere, & publicis commodis graviter officere, Nostræque & Sedis Apostolicæ auctoritati aliquatenus detrabere dignoscuntur: Hinc est, quod Nos, quibus agri Dominici cura divinitus commissa est, ut juxta Prophetam noxia evellamus, & utilia plantemus, operæ pretium facturos existimavimus, si iterata confirmationis, & innovationis ministerio, easdem Constitutiones ab oblivione vindicemus, & Prædecessorum nostrorum, sedulique Patrisfamilias exemplo, ea quæ præter, aut contra salubrem Constitutionum hujusmodi dispositionem, & communem bonum nimia facilitate concessa fuerunt tanquam nociva zizania extirpemus, rati neminem ægre laturum sue private publicam utilitatem anteponi.

Exordium.

Motiva, & rationes.

§.1. Alias siquidem fel. recod. Paulus Papa V. Prædecessor noster, motu proprio, & ex certa scientia, ac matura deliberatione suis, deque Apostolica potestatis plenitudine nonnullorum etiam Prædecessorum nostrorum tunc suorum, & præsertim piæ mem. Pauli III. Julii III. Pii V. & Clementis VIII. Romanorum Pontificum vestigiis inhærens, quascumque editas Constitutiones exemptionum, & immunitatum, ac concessionum revocatorias confirmans, approbans, & innovans sua perpetuo validura constitutione sub Dat. Romæ apud Sanctum Petrum sub Annulo Piscatoris die 23. Decembris 1605. Pontificatus sui Anno I. edita, omnes, & quascumque exemptiones, & immunitates a solutione subsidii triennialis, quatrini carnis, taxarum equorum, talliarum, censuum, Archivii, Fogliet-

Nonnulli enu merantur Pontifices, qui constitutionum vim sæpius confirmarunt.

Exponit supra  
quosdam fac-  
turi Constitutio-  
nes.

Quocumque  
Personarum  
conditio hu-  
jusmodi Con-  
stitutiones ob-  
servare de-  
bebit.

Quid aliud  
Paulus V. de-  
creverit.

gliette, treremium, utensilium, necnon Dohanarum, Gabellarum, dationum, impositionum, & aliorum onerum Cameralium quorumcumque, & quae etiam per Communitates, & Universitates pro eorundem onerum Cameralium solutione, & publicorum munerum supportatione indicta, & imposita existebant, ac exigi solita erant, necnon ceteras gratias, & concessiones, ac provisiones, & assignationes super Camerae Apost. redditibus, & juribus, poenarum quoque malefactorum applicationes, approbationes, ac illarum sive Dohanarum, & Cancelliarum, tam Civilium, quam Criminalium, ac Secretariarum, & illarum emolumentorum, ac bonorum, & jurium ipsius Camerae cujusvis qualitatis, & quantitatis in praedictum ipsius Camerae per quoscumque Praedecessores nostros tunc suos, & ipsummet Paulum V. & Sedem Apostolicam etiam motu proprio, & consistorialiter, ac Sanctae Romanae Ecclesiae Camerarium, & Cameram praedictam, seu etiam Legatos, Vicelegatos, Gubernatores, Officiales, & Ministros quibusvis Communitatibus, Universitatibus, necnon familiis nobilibus, Principibus, Ducibus, Marchionibus, Comitibus, & quibusvis aliis personis quacumque dignitate fulgentibus etiam ratione guberniorum, & aliorum officiorum, & munerum eis commissorum, & ex quavis causa, etiam in recompensam laborum, damnorum passorum, expensarum, vel meritum, seu illorum intuitu, & alia quantumvis urgentissima, & de necessitate exprimenda causa sub quibuscumque verborum formis, & tenoribus, & cum quibusvis clausulis, & decretis, etiam motu, scientia, & potestatis plenitudine similibus, etiam in Appaltum, seu locationum Cameralium instrumentis promissum, & cautum esset, eas observari debere, Appaltatoresque, & conductores ad illarum observationem teneri, ac alias quomodocumque, & qualitercumque eoque in genere, vel in specie concessas, datas, factas, & emanatas, & inde sequuta quaecumque etiam auctoritate Judicis perpetuo revocavit, cassavit, sustulit, abrogavit, & annullavit, ac viribus, & effectu vacua perpetuo fore, & esse, neque in possessio, neque in petitorio cuiquam suffragari posse, seu debere, ac provisiones, assignationes, poenas malefactorum, emolumenta, vectigalia, & alias res, bona, & jura praefata ex hujusmodi revocatione restituta eidem Camerae, & non aliis, quibus forsitan locati, & appaltati reperiebantur redditus, & proventus dictae Camerae, licet antequam exemptiones, concessiones, & assignationes supradictae emanassent, aliter dispositum fuisset, omnino debere ac ad illa omnia, & singula Cameram ipsam, necnon Communitates, & Universitates pro Gabellis, & dantiis ab eis exigi solitis pro dictorum onerum Cameralium solutione, & publicorum munerum supportatione eo ipso, absque alia adepta

seu recuperata possessione restitutam, & reintegratam, restitutasque, & reintegratas fore, & esse, & censeri debere decrevit, & declaravit.  
§.2. Ac subinde idem Paulus V. Praedecessor Annonae, & Grasciae ubertati in Urbe, & Ecclesiastica ditione consulere cupiens per aliam suam perpetuam Constitutionem sub datum eadem die 23. Decembris editam, motu proprio, & ex certa scientia, ac matura deliberatione suis, deque Apostolica potestatis plenitudine, omnes, & singulas recol. memor. Pii Quarti etiam Praedecessoris Nostri tunc sui, ac Pii Quinti, & Gregorii Decimimerti, ac Clementis Octavi praefatorum Constitutiones, & Literas, in quibusvis earum partibus, etiam quoad excommunicationis, & alias Ecclesiasticas censuras quantum attinet ad frumentorum, bladorum, leguminum, & olei a Statu Ecclesiastico extractionem tantum, & quoad ceteras poenas quascumque in eisdem Constitut., & Literis contentas, non solum in quantum ad praemissorum, sed etiam in quantum ad aliarum rerum ad Annonam, & Grasciam pertinentiam exactionem attingebat, perpetuo innovavit, confirmavit, & approbavit, illasque adversus quascumque revocationes, suspensiones, limitationes, & moderationes in pristinum, & cum in quo antequam illae emanarent, erant statum, restituit, reposuit, & plenarie reintegravit, omniaque, & singula privilegia, licentias, & facultates, frumenta, blada, legumina, animalia, oleum, & alia id genus tam Annonam, quam Grasciam concernentia, etiam in propriis eorum praediis, possessionibus, agris, & terris pro tempore recollecta ex quibuscumque Status Ecclesiastici temporalis Provincialis, ac Civitatis, Terris, Castris, & Locis, eorumque Territoriis, & districtibus sibi, ditione Ecclesiastica mediate vel immediate quomodolibet subiectis extrahendi quibusvis eo usque concessa, approbata, confirmata, & innovata perpetuo revocavit, ac revocata, annullata, cassata, invalida, viribus, & effectu vacua esse, & fore, ac nemini ullatenus suffragari posse aut debere decrevit.  
§.3. Et deinde idem Paulus V. Praedecessor per aliam ejus Constitutionem, etiam Loca mediate Sedi Apostolica subiecta, in ultimo dicta ejus Constitutione comprehendi declaravit, ac formam, & modum dandi licentias extrahendi statuit.  
§.4. Postmodum rec. mem. Urbanus Papa VIII. etiam Praedecessor noster pro indemnitate Sedis, & Camerae Apostolicae, sua perpetua Constitutione, quae incipit: *Sancitiss. Dominus Noster*, &c. omnes, & quascumque facultates, indulta, & privilegia disponendi quovis modo de officiis quibuscumque Romanae Curiae ad collationem, seu concessionem dictae Sedis quomodolibet pertinentibus, seu eorum pretio, absque speciali suo, & Successorum Romanorum Pontificum pro tempore existentium assen-

Aliud Decretum supra Annonam, & Grasciam a Paulo V. emanatum.

Leges pro hoc decreto sancitae.

Aliud Decretum ab Urbano exanatum de officiis Romanae Curiae.

Alia constitutio ejusdem Urbani VIII. refertur circa officia ad S. Sedem pertinentia.

Conqueritur praedicta officia viris minus idoneis fuisse collata.

Plures Pontifici ediderunt circa ubertatem Annonae in Urbe

assensu, et beneplacito de tempore dispositionis hujusmodi impetrando revocavit.  
§.5. Denique ab eodem Urbano Praedecessore emanavit alia Constitutio tenoris sequentis videlicet. Urbanus Episcopus Servus Servorum Dei. Ad perpetuam rei memoriam. Superni benignitas conditoris, cujus admirabili providentia cuncta reguntur, cum nullis nostris suffragantibus meritis Nos ad sublime evexerit Apostolicae dignitatis fastigium, universam Reipublicae curam ad ipsius Dei laudem amplectentes, ad hoc inter alia nostrae Pastoralis vigilantiae studium duximus adhibendum, ut officia tam Romanae Curiae, quam alia ad Sedem Apostolicam pertinentia a probatis viris exerceantur, ac illa personis idoneis, modoque debito conferantur, Camera nostra Apostolica, quam ob varias superiorum temporum causas magno ere alieno conflata, et ejus aerario exhausto, in maximas reddituum, et pecuniarum angustias incidisse comperimus, ab ere alieno ac angustiis hujusmodi, quantum in Nobis est, sublevertur, frumentorum, et aliarum rerum ad communem vitae usum pertinentium copia in hac Urbe nostra, & reliquo Statu Ecclesiastico conservetur, & vigeat, ejusdem Sedis auctoritas, & Romanae Curiae dignitas eluceat, ac per debite reformationis, & provisionis occursum, impedimentis quibuscumque sublatis omnia prospere dirigantur, ac justitia duce, quod suum est unicuique tribuatur, felicique profectu virtus undique suscipiat incrementum.  
§.6. Cum itaque inter caetera, quae mentem nostram non modice perturbarunt, atque perturbant, invenerimus pleraque Sedis, & Camerae praedictarum officia, seu munera, praesertim administrationem habentia, & quae amovibilia sunt, & esse debent tam in Urbe, quam extra eam, contra eorum naturam, & consuetudinem, per ambitionem, & importunitatem (ut credimus) impetrantium ad vitam, & non solum unius, verum plurium etiam personarum concessa fuisse, necnon super illis, & aliis etiam Romanae Curiae praedictae officiis etiam perpetuis coadjutorias cum futura coadjutorum successione factas, & constitutas esse, quo fit ut eadem officia, quae antea personis benemeritis, & idoneis, ac doctrina, prudentia, & consilio praeditis, experientiaque, & aetate maturis concessa sunt, interdum ad personas minus idoneas, coadjutoriarum nomine deveniant in Sedis, & Curiae hujusmodi dignitatis diminutionem, & ipsorum officiorum detrimentum.  
§.7. Et licet plerique Romani Pontifices Praedecessores nostri, & novissime felic. Paulus Papa V. ad indemnitate Camerae praedictae, necnon Communitatum, & Universitatum Status Ecclesiastici opportuna consulendum, ac etiam ad ubertatem Annonae, & Grasciae in Urbe, Statuque praedictis conservandum, & augendum, plures Constitutiones ediderint.  
*Bull. Rom. Tom. VI. Par. III.*

§.8. Et inter alia idem Paulus Praedecessor per binas suas in forma Brevis editas Constitutiones, in una videlicet, & omnes, & quascumque immunitates, & exemptiones a solutione gabellarum, dationum, impositionum, & aliorum onerum Cameralium quorumcumque, & quae etiam per Communitates, & Universitates pro eorundem onerum Cameralium solutione, & publicorum munerum supportatione indicta, & imposita, ac exigi solita erant.  
§.9. Necnon assignationes, & provisiones super Camerae praedictae redditibus, & juribus, poenarum quoque malefactorum applicationes, appropriationes, caeteraque tam illarum, & Cancelliarum, sive bancharum civilium, & criminalium, ac Secretariarum, & illarum emolumentorum, quam bonorum, jurium ejusdem Camerae cujusvis qualitatis, & quantitatis gratias, & concessiones in praedictum ipsius Camerae eatenus concessas, & factas.  
§.10. Et in altera omnia, & singula, ac quaecumque privilegia, licentias, & facultates frumenta, blada, legumina, animalia, oleum, et alia tam Annonam, quam Grasciam concernentia, etiam in propriis eorum praediis, possessionibus, agris, et terrenis pro tempore collecta ex quibuscumque Status nostri Ecclesiastici temporalis Provincialis, ac Civitatis, Terris, Castris, et Locis, eorumque Territoriis, et districtibus Nobis, et S. R. E. mediate, vel immediate quomodolibet subiectis extrahendi similiter eatenus concessa, praeterquam quoad aliqua tunc expressa, ac alias modo, et forma in eisdem Constitutionibus, et Literis desuper expeditis contentis revocaverit, et Praedecessorum suorum praedictorum Constitutiones, Ordinationes, et Literas desuper expeditas, et omnia in eis contenta perpetuo approbando, confirmando, et innovando, illas, et illa, ex tunc de caetero observari mandaverit, ac frumenta, blada, et legumina, oleum, animalia, et alia praedicta extra Statum Ecclesiasticum extrahi sub excommunicationis, et aliis gravissimis poenis de novo expresse prohibuerit.  
§.11. Et postremo idem Paulus Praedecessor ad tollendam omnem dubitationem super ultimodicta Constitutione excitatam per suam motus proprii cedulam die 26. Augusti Anno Domini 1606. publicatam sub ultimodicta ejus Constitutione, quaecumque loca S. R. E. mediate subiecta comprehendi, et comprehensa fuisse, et esse declaraverit, et quatenus opus sit, illam cum omnibus in ea contentis ad loca praedicta extenderit, et ampliaverit, prout in eisdem Constitutionibus, et cedula latius continetur.  
§.12. Nihilominus cum acceperimus nonnullos contra dictas Constitutiones, et literas, easdem immunitates, exemptiones, privilegia, extrahendique facultates, et gratias, quae antea eis concessa fuerant, confirmari, et innovari, ac in pristinum restitui, ac respective tam ipsos, quam

Constit. Pauli V. circa immunitates a solutione Gabellarum.

Item circa provisiones super Camerae redditibus.

Alia constitutio ejusdem Pontifici adversus licentias extrahendi omnis generis Annonae extra Statum.

Item cedula ad tollendam omnem dubitationem.

Actamen quidem obtinere gratias contra praedictas Constitutiones.

Quos abusus  
corruptelas  
notant. Pon-  
tice revocat.

alios, etiam Communitates, Universita-  
tes, Collegia, & loca diversa, & forsitan  
majora, & etiam quod in quibusdam Pro-  
vinciis, Civitatibus, & locis spolia Ar-  
chiepiscoporum, Episcoporum, & aliarum  
Personarum Ecclesiasticarum fieri, & col-  
ligi non possint, ac alia privilegia Sedi, &  
Camerae praedictis, Romanique Pontificis su-  
premae potestati, ac ejusdem, & Sedis, &  
Rom. Curiae dignitati, & auctoritati praer-  
judicialia sibi dari, & concedi impetrasse, &  
obtinuisse, seu potius extorsisse.

§. 13. Nos pro debito pastoralis officii hos  
& alios abusus, & corruptelas, necnon  
damna, & praerudicia, quae circa praemis-  
sa haecenus irrepserunt, & facta sunt, ac  
quotidie augentur, & fiunt, e medio tol-  
lere volentes, motu proprio non ad alicujus  
super hoc Nobis oblatae petitionis in-  
stantiam, sed ex certa scientia, & delibe-  
ratione nostris, ac de Apostolica potesta-  
tis plenitudine, hac perpetuo valitura con-  
stitutione in primis omnes, & quascumque  
ad quavis officia, & munera etiam colle-  
giata, etiam militaria, ac etiam venalia,  
tam perpetua, quam temporalia Sedis, &  
Camerae Apostolicae, ac Romanae Curiae,  
& tam in Urbe, quam extra eam, & in  
quibusvis etiam Avenionen. Bononien. Fer-  
rarien. Beneventan. aliisque Civitatibus,  
Terris, locis, Dominiis, & Regnis, & ad  
Nos, Sedemque praedictam, nostramque, &  
ejusdem Sedis collationem, concessionem  
& deputationem quomodolibet pertinentia  
coadjutorias, & coadjutorum quorumcum-  
que deputationes, constitutiones, necnon  
eorundem officiorum, & munerum ad vi-  
tam plurium personarum, seu aliud tem-  
pus vitam cujusque illa obtinentium exce-  
dens concessionem, confirmationem, & pro-  
rogationem etiam in remunerationem la-  
borum, meritorum, ac etiam praetextu  
expensarum factarum, damnorum passio-  
rum, seu illorum intuitu, aut ex quavis  
alia causa per quosvis Praedecessores nostros  
Romanos Pontifices, Sedemque praedictam,  
& illius Officiales, etiam motu simili, &  
cum quibusvis decretis, & clausulis etiam  
derogatoriis derogatoriis, & aliis quo-  
modolibet ad favorem quarumcumque  
Personarum factas, & concessas, veluti  
quandam imaginem hereditariae successio-  
nis representantes, ac dictae Sedi, bono-  
que publico, ac ipsis officiis perniciosas,  
& quascumque literas etiam sub plumbo, &  
in alia quavis forma expeditas cum omni-  
bus inde sequutis, quae haecenus tamen per  
obitum illa obtinentium, aut aliam quam-  
cumque vacationem effectum fortiter non  
sunt, necnon quoad illarum perpetuita-  
tem, quascumque concessionem, confirma-  
tionem, extensionem, seu prorogationem ad  
vitam officiorum, & munerum quorum-  
cumque praesertim negotiorum, & pecu-  
niarum dictae Camerae administrationem  
vel Caesarum Civilium, seu Criminalium  
cognitionem, advocacionem, defensionem,  
seu etiam procuracionem, & sollicitatio-  
nem concernentium, ad collationem con-

cessionem, ei deputationem scilicet pro  
tempore Romani Pontificis, Sedisque praer-  
dictae spectantium, quae a primava eorum  
creatione, seu ex inveterata consuetudine  
perpetua, et ad vitam concedi solita, seu  
Collegialia non sunt, ac etiam ea quae ex-  
tra Romanam Curiam exercentur, per  
quoscumque Praedecessores nostros Roma-  
nos Pontifices, ad Nos, Sedemque praer-  
dictam ex quavis causa, etiam motu simili,  
et ex certa scientia, et de similis potestatis  
plenitudine in favorem quarumvis perso-  
narum cum quibusvis decretis, et clausu-  
lis etiam insolitis, et derogatoriis de-  
rogatoriis, et aliis quomodolibet factas  
revocamus, ac irritas declaramus, itaut  
in re, vel ad rem, sive in possessorio, sive  
in petitorio, etiam si ad plures actus posit-  
ivos, et possessorios deventum fuerit, coad-  
jutoribus, et deputatis acquisitum dici, aut  
censeri non possit, sed officia, et munera  
praedicta libera sint, & remaneant, ac ut  
prius libere conferri, et concedi possint,  
aque ac si coadjutoria, et coadjutorum de-  
putationes, et constitutiones, ac eorum-  
dem officiorum concessionem, extensionem  
et prorogationem minime factae fuissent, ac  
in futurum coadjutorias, et coadjutorum  
deputationes, constitutiones, et munere-  
rum praedictorum ad plurimum, vel unius vi-  
tam, contra primavam eorum naturam, et  
antiquam consuetudinem concessionem, ex-  
tensionem, et prorogationem, quascumque  
hujusmodi tanquam apprimae praerudicia-  
les, ac Reipublicae, bonoque gubernio  
damnosas reprobamus, ac in posterum  
fieri prohibemus.

§. 14. Quinimo omnia, et singula of-  
ficia, seu munera tam in dicta Urbe, quam  
extra eam, et etiam in quibusvis Regnis,  
et dominiis consistentia, pro quibus salaria  
de pecuniis Camerae nostrae praedictae per-  
solvuntur, seu quae negotiorum, vel pecu-  
niarum Camerae praedictae administratio-  
nem, vel Caesarum tam Civilium, quam  
Criminalium cognitionem, advocacionem,  
defensionem, seu sollicitationem habent,  
per quosvis etiam Sedis Apost. et Rom. Ec-  
clesiae Officiales, et ejusdem S. R. E. Car-  
dinales etiam de Latere Legatos conferri,  
seu concedi solita, (non tamen ea quae ab  
initio venalia, vacabilia, et perpetua legi-  
time erecta, ratione officiorum majorum  
quae obtinent, eis specialiter assignata, seu  
concessa sunt, in quibus aliquid innovare  
non intendimus) nostrae, Romanorumque  
Pontificum Successorum nostrorum dispo-  
sitioni ita reservamus, ut ex nunc in per-  
petuum, et quoad quocumque illa a Nobis, et  
Successoribus nostris Romanis Pontificibus  
ad nutum quibus libererit, quibuscumque  
deputationibus, et concessionibus per Of-  
ficiales etiam Cardinales, et Legatos praer-  
dictos quibusvis personis quomodolibet ha-  
ecenus factis, et in posterum forsitan facien-  
dis minime obstantibus dari, et concedi  
possint.

§. 15. Cum Nos ab omnibus officio-  
rum coadjutoriis, et coadjutorum deputa-  
tioni-

Officiorumq.  
collationem,  
Sedis Aposto-  
licae dispositio-  
ni relevat.

Omnes con-  
cessionem con-  
tra praesentis

formam nul-  
las declarat.

Pontificum  
Praedec. circa  
praedicta con-  
stitut. exten-  
dit.

Omnia privi-  
legia localia  
idominati Ca-  
mer. praerudi-  
cialia irritat.

tionibus hujusmodi, necnon ab eorundem  
officiorum, & munerum ad vitam plu-  
rium personarum, sive etiam unius con-  
tra eorum primavam institutionem seu  
antiquam consuetudinem concessionibus,  
deputationibus, confirmationibus, & pro-  
rogationibus de cetero abstinere intenda-  
mus, & quae Nobis licere non patimur, &  
videntur incongrua, & praerudicialia, Suc-  
cessoribus nostris Romanis Pontificibus  
etiam judicamus, & sic neque eosdem Suc-  
cessores nostros Romanos Pontifices simi-  
lia concessuros esse arbitremur, ob id om-  
nes, & quascumque similes, vel dissimi-  
les concessionem, deputationem, confirma-  
tionem, extensionem, & prorogationem, quae  
contra praesentium formam, & tenorem a  
Nobis, & Successoribus nostris praedictis  
quandocumque (quod non credimus) ema-  
narent, per subreptionem, obreptionem,  
ac praeruditionem potius extortas, quam  
obtentas, ac nullas, nulliusque roboris, &  
momenti fore, & esse, & censeri, nemi-  
nue suffragari posse, vel debere aque, ac si  
factae, & concessae non essent, decerni-  
mus, & declaramus.

§. 16. Praeterea pro indemnitate Camerae  
nostrae, ac ubertate Annonae, & Graeciae,  
tam in Urbe, quam toto Statu Ecclesiastico  
conservanda, praedictorum Pauli V. &  
aliorum Rom. Pontificum Praedecessorum  
nostrorum vestigiis inherentes, illorum-  
que constitutiones etiam opportune exten-  
dentes motu, scientia, & potestate simi-  
libus, omnes, & quascumque immunitates,  
& exemptiones a solutione subsidii  
triennalis, quatrini carnis, taxarum equo-  
rum, tollarum, censuum, Archivii, fogliette,  
triremium, utensilium, necnon  
Dohanarum, Gabellarum, Datorum, ta-  
xae portus Anconae, quatrinarum, tracta-  
rum, & aliarum impositionum, & onerum  
Camerarum, & etiam eorum, quae  
per Communitates, & Universitates pro  
eorundem onerum Camerallum solutio-  
ne, & publicorum munerum supportatio-  
ne, ac pro viis, & pontibus construendis,  
& manutentionis seu aliis indistinctis, & imposi-  
ta, ac exigi solita sunt, ac etiam reci-  
piendi, & hospitandi milites, & Sedis Apo-  
stolicae officiales, barigellos, executores,  
aliosque justitiae ministros, eisque utensilia,  
& alia necessaria subministrandi, ac aliorum  
quorumcumque tam realium, quam perso-  
narium, seu mixtorum, ordinariorumque,  
& extraordinariorum quarumcumque.

§. 17. Necnon omnia privilegia loca-  
lia, ne scilicet in quibusdam Civitatibus,  
Locis, & Dominiis temporalibus etiam  
Avenionen., Bononien., Ferrarien., Be-  
neventan., seu aliis Provinciis, Civitati-  
bus, & Locis etiam privilegiatis, & spe-  
ciali nota dignis non tamen in Urbe praer-  
dicta, & ejus Districtu praeter, & contra  
formam Constitutionis ejusdem Pauli Praer-  
decessoris in favorem Curialium, & In-  
colarum dictae Urbis editae, quam in suo  
robore permanere, & omnino servari vo-  
lumus Archiepiscoporum, & Episcoporum,  
Bull. Rom. Tom. VI. Par. III.

& aliarum personarum Ecclesiasticarum  
spolia fiant, & colligantur, & Commis-  
sarii, & Collectores spoliatorum, & jurium  
dictae Camerae debitorum in eis non reti-  
neantur, vel ad ea non transmittantur, seu  
in illicite negociationis dispositionum con-  
tra Constitutiones pia memoriae Pii Papae  
Quinti etiam Praedecessoris nostri in ille-  
gitimos factarum, apostatarum, & Cleri-  
corum extra residentiam decedentium,  
seu aliis causis non procedatur: Ac omnes  
etiam, & singulas provisiones, & assigna-  
tiones super Camerae praedictae redditibus,  
& juribus, penarum quoque maleficium,  
& introituum applicationes, appro-  
priationes, necnon Cancellariarum, No-  
tariarum, seu Bancarum civilium, & cri-  
minalium, Secretariarum, & illarum emol-  
umentorum, aliorumque jurium, & bo-  
norum stabiliium Camerae, & Communi-  
tatum praedictarum cujusvis qualitatis, &  
quantitatis gratias, concessionem, & alie-  
nationem quascumque in praerudicium ca-  
rumdem Camerae, & Communitatum.

§. 18. Necnon indulgetur de bonis stabili-  
bus, & juribus ejusdem Camerae in Civi-  
tate nostra, & Districtu Ferrarien., seu  
alibi consistentibus certis personis tantum  
infundandis per pia memoriae Gregorij  
Papae Decimum quintum etiam Praer-  
decessorem nostrum concessa.

§. 19. Ac omnia, & singula privilegia,  
licentias, & facultates, frumenta, blada,  
legumina, animalia, oleum, olivas, &  
alia quaecumque, tam Annonam, quam  
Graeciam concernentia, etiam in propriis  
eorum praediis, possessionibus, agris, &  
terrenis pro tempore recollecta, tam ad  
effectum extra Statum Ecclesiasticum,  
etiam ad loca mediate, vel immediate  
Sedi Apostolicae subiecta, praeterquam ad  
urbem praedictam asportandi, etiam tem-  
pore Annonae difficultatis, & pro usu pro-  
prio, vel ad effectum in eorum, vel alie-  
nis quibusvis molendinis molendi, sive  
terra, sive mari, vel per aquam dulcem  
ex quibuscumque Status nostri Ecclesiasti-  
ci temporalis Provinciis, ac etiam a dicta  
Urbe, ac Civitatibus, Terris, Castris, &  
Locis, eorumque Territoriis, & Districti-  
bus Nobis, & dictae Sanctae Romanae Ec-  
clesiae mediate, vel immediate subiectis  
extrahendi, aut illa ultra usum, contra  
tamen formam Constitutionum, & Ordi-  
nationum Apostolicarum, & bannimento-  
rum desuper editorum, & edendorum  
emendi, ac ut dicitur etiam incertandi  
per quoscumque Praedecessores nostros, ac  
Nos, & Sedem praedictam etiam motu  
proprio, et consistorialiter, ac Sanctae Ro-  
manae Ecclesiae Camerarium, et Cameram  
praedictam, seu etiam Legatos, Vice-Le-  
gatos, Gubernatores, Officiales, et Mi-  
nistros, quibusvis etiam Avenionen., Fer-  
rarien., Beneventan., et aliis etiam spe-  
ciali nota dignis Civitatibus, et illarum  
Regiminibus, Communitatibus, et Uni-  
versitatibus, necnon Familiis, Nobilibus,  
Principibus, Ducibus, Marchionibus, Comi-  
tibus.

Item indulgetur  
&c.

Item licentia  
extrahendi an-  
nonam &c.

mitibus, Baronibus, Domicellis, et quibusvis aliis personis, quacumque etiam Episcopali, Archiepiscopali, Patriarchali, et Cardinalatus, aliaque tam seculari, quam Ecclesiastica dignitate fulgentibus, etiam ratione guberniorum, et aliorum officiorum, et munerum eis commissorum, etiam pro se, et filiis, eorumque heredibus, et descendentes, necnon familiaribus, et infervientibus, colonis etiam partiaris, laboratoribus, et affictuariis, ac pro eorum Civitatibus, Terris, Castris, Villis, Casalibus, Prædiis, Vineis, et aliis bonis stabilibus, fructibus, juribus, et actionibus perpetuo, vel ad tempus, ac in toto, vel pro parte, etiam causa emporiorum, seu nundinarum, etiam publicarum, aut alias, et ex quavis causa, etiam in recompensam laborum, damnorum passorum, expensarum, vel meritorum, seu illorum intuitu, et alia quantumvis urgentissima, ac de necessitate exprimenda causa, sub quibuscumque verborum formis, et tenoribus, ac cum quibusvis clausulis, et decretis, etiam si in appaltuum, seu locationum instrumentis promissum, et cautum sit, illas observari debere. Appaltatorumque, et Conductorum ad illarum observationem teneri, ac illas quomodocumque, et qualitercumque hæcenus in genere, vel in specie, tam ante, quam post eisdem Pauli V., et aliorum præfatorum, et quodcumque datas, factas, seu confirmatas, restitutas, reintegratas, aut alias concessas, et inde etiam auctoritate iudicis sequuta quacumque etiam perpetuo, ac motu, scientia, & potestate similibus revocamus, & abrogamus.

§.20. Necnon similis memorie Pauli Tertii, & Julii etiam Tertii, Pii Quinti, Sixti Quinti prædictorum, ac Clementis Octavi similiter Romanorum Pontificum Prædecessorum nostrorum, & quæ incipit: *In maximis verum difficultatibus*; per prædictum Paulum Quintum Prædecessorem, sub datum Romæ apud S. Petrum sub Annulo Piscatoris die 23. Decembris 1655. Pontificatus sui Anno Primo, editas Constitutiones exemptionum, immunitatum, concessionum, & gratiarum prædictarum revocatorias, ac rec. mem. Pii Quarti super revocatione similibus licentiarum, & facultatum extrahendi frumenta, blada, & legumina ex Provinciis, Terris, & Locis dicte Sanctæ Romanæ Ecclesiæ mediate, vel immediate subiectis, quibusvis concessarum, ac prohibitione, ne a dictis Provinciis, Civitatibus, Terris, & Locis frumenta, blada, & legumina prædicta quicumque extraherent, ac Pii Quinti per quam revocationem, & prohibitionem, eisdem Pii Papæ Quarti ad licentias, & facultates quodcumque genus grasciæ, etiam in carnibus, ovibus, agnis, & aliis animalibus, necnon oleo, ac rebus aliis quibuscumque consentientis extendit, & ampliavit, & Gregorii Decimertii pariter Romanorum Pontificum Prædecessorum, nostrorum, per quam omnibus, & singulis

Prædictas enim situr. exemptionum, concessionum, gratiarum, &c. revocatorias approbat, & confirmat.

Communitatibus, Universitatibus, ac quibuscumque personis inhibuit, ne quovis prætextu, directe, vel indirecte ejusvis generis frumenta, blada, legumina, atque animalia quacumque extra Statum Ecclesiasticum extrahere, & asportare auderent, seu præsumerent, & eisdem Gregorii Decimertii sub datum die prima Maii 1579. eodem sui Pontificatus Anno Sexto, per quam, quod nulli sibi, & Sanctæ Romanæ Ecclesiæ mediate, vel immediate subiecti, cujuscumque status, gradus, ordinis, & conditionis existerent, etiam si Barones, Domicelli, Comites, Marchiones, vel Duces, & Domini in temporalibus existerent, sub excommunicationis majoris, ac læsæ Majestatis criminis, dominiorum, & bonorum suorum confiscationis, feudorum amissionis, & quorumvis privilegiorum suspensionis, ac aliis etiam pecuniariis arbitrio suo imponendis, & applicandis, ac etiam in publicis edictis, & proclamatis per Annone Præfectos pro tempore tam eatenus editis, & emissis, quam in futurum edendis, & emittendis, contentis censuris, & poenis triticum, hordeum, legumina, ac omnis generis frumenta, & fruges a Terris, & Locis dicti Status Ecclesiastici, absque expressâ ipsius Gregorii Prædecessoris, & ab eo obtenta in scriptis, & ejus manu signata licentia extrahere, vel extrahi facere, nullique ex prædictis eorum subditos, & vassallos, aut alias quacumque personas, quominus triticum, hordeum, legumina, frumenta, & fruges prædicta in quibusvis locis eis subiectis, quovis prætextu, etiam molituræ, aut cujusvis alterius oneris solutionis ad almam Urbem asserrent prohibere, aut per se, vel alium, seu alios directe, vel indirecte impedire auderent, quam potius illis sic asserrentibus omnem opem, & favorem præstarent, ac nulli, quamlibet triticum, hordei, & leguminum, omnique generis frumentorum, & frugum quantitatem, nisi pro suo, suarumque familiarum unius anni dumtaxat usu emere valerent, & contrafacien. penas prædictas incurrisse declararentur, & aggravarentur, ipso facto, non obstantibus etiam privilegiis, indultis, literis, & gratiis Apostolicis, quibusvis personis, Civitatibus, Terris, & Locis in genere, vel in specie, etiam ex causa onerosâ concessis statuit, atque decrevit, ac dicti Clementis per quam prædicta omnia, dempta ex illis excommunicationis pena approbavit, & confirmavit, necnon eisdem Pauli Quinti per quam omnes, & singulas Pii Quarti, Pii Quinti, Gregorii Decimertii, & Clementis Octavi Prædecessorum suorum Constitutiones, & Literas in quibuslibet earum partibus, etiam quoad excommunicationis, & alias Ecclesiasticas censuras, quantum attinet ad frumentorum, bladorum, leguminum, olei extractionem innovavit, ac privilegia, licentias, & facultates extrahendi prædicta revocavit, ac frumenta, hordea, legumina, & alia Annonam, & Grasciam con-

ccr.

cernentia, sub excommunicationis, & aliis censuris Ecclesiasticis, & poenis temporalibus supradictis extra Statum Ecclesiasticum extrahi prohibuit, ac aliam per quam ultimodictam ipsius Constitutionem, innovationem, prohibitionem, & revocationem ad loca mediate Sedi Apostolica subiecta extendit, & ampliavit in quibuslibet earum partibus, demptis tamen ex illis pena excommunicationis, & aliis censuris Ecclesiasticis (præterquam in casibus, in quibus extra Statum nostrum Ecclesiasticum, vel ad loca Principum, Ducum, Marchionum, Comitum, Baronum, & aliorum quorum dominia in confiniibus dicti Status nostri Ecclesiastici existunt, extractio mercimonii causa fiet) motu, scientia, & potestate paribus similiter perpetuo approbamus, confirmamus, & innovamus, illaque adversus quascumque revocationes, suspensiones, limitationes, & moderationes in præteritum, & eum, in quo antequam illa emanaret, erant statum restitimus, reponimus, & plenarie reintegramus, illaque, & earum singulas ab omnibus, & singulis ad quos spectat sub temporalibus poenis prædictis in illis contentis inviolabiliter de cætero observari debere.

Emolumenta quæcumque Camera restitui mandat.

§.21. Ac provisiones, assignationes, poenas malefactorum, emolumenta, impositiones, gabellas, vestigalia, & alias res, bona, & jura prædicta ex hujusmodi revocatione, prohibitione, & Constitutione restituta eidem Camera, et respective Communitatibus prædictis, & non aliis quibus forsân illarum redditus, & proventus locati, et appaltati reperuntur, licet antequam exemptiones, concessionem, assignationes, et alia prædicta emanassent aliter dispositum fuerit omnino deberi, ac ad illa omnia, et singula Camera ipsam, nec non Communitates, et Universitates, eo ipso absque alia adepta, seu recuperata possessione restitutas, et integratas fore, et esse præcipimus, statuimus, et ordinamus. Per prædicta autem non intendimus revocare exemptiones, et immunitates quibuscumque personis Ecclesiasticis, tam secularibus, quam regularibus de jure competentes, minuscule immunitates, et exemptiones, ac extrahendi, et alias facultates, applicationes, et alia Theaurariis, Appaltatoribus, et Conductoribus bonorum, introituum, et jurium Camera nostræ ab ipsa Camera, seu aliis illius nomine, in appaltuum, et locationum instrumentis, et illorum ratione concessa.

Immunitates quædam exceptas esse vult.

§.22. Et insuper a revocationibus omnibus, et singulis supradictis excipimus, et exceptas esse volumus, et declaramus immunitates, exemptiones, confirmationes, extensiones, prorogationes, facultates, privilegia, concessionem, et alienationes quibusvis Communitatibus, Universitatibus, & aliis quibuscumque data, facta, & respective concessa in vim contractus ex causa vere onerosâ, videlicet congruæ, & effectualis Camera Apostoli-

ce, vel ipsius Communitatibus legitime facta pecuniarum solutionis, vel ex aliis causis rationabilibus per Nos cognoscendis, & approbandis, & etiam declarandis, quas causas omnes onerosas non nisi legitimas, ac licitas, & honestas, prout de jure approbare intendimus, & propterea illa obtinentes quicumque in eadem Camera, citato dilecto filio ipsius Camera Commisario generali illas verificare, in ipsaque Camera examinari, & admitti facere teneantur, etiam si gratiæ, concessionem, privilegia, literæ, instrumenta, ceteraque prædicta, & alia in eadem Camera admiffa, & in ea fuisse libris fuerint, & sint registrata, quatenus tamen cause onerosæ prædictæ pro vere onerosis, & legitimis, ut supra, alias in eadem Camera verificata, ac approbate, & judicate non sint, quo casu ad judicationem tantum, non autem ad aliam verificationem eisdem obtinentes teneri volumus.

§.23. Excipimus etiam immunitates, & exemptiones, dicte Sanctæ Romanæ Ecclesiæ Cardinalibus ratione dignitatis Cardinalatus, & Cameralibus, qui in eadem Camera federunt, & sedent, concedi solitas, ac etiam exemptiones, quibus ad præfens Prælati, & Officiales Romanæ Curie, ac Prælati domestici, & Cubicularii Secreti, & Secretarii, ac alii Familiares, & continui Commensales nostri, & Successorum nostrorum Pontificum in rotulo descripti.

Similiter illas Car. Camera, & Palatinis cœlestis.

§.24. Necnon facultates testandi de quibusvis bonis etiam ubicumque sitis, & in illis, eis ab intestato succedendi dictis Cardinalibus, ac nostris, & Romanorum Pontificum Prædecessorum nostrorum Familiaribus, & continuis Commensalibus, etiam si illi familiares postmodum esse desierint, vel desinant, & aliis quibusvis etiam gratuito, & quomodolibet, tam per eisdem Prædecessores, quam etiam per Nos concessas, & alias in omnibus, & per omnia, juxta earundem facultatum, & literarum desuper expeditarum formam, ac tenorem, quem pro latissime expresso haberi volumus.

Facultates testandi.

§.25. Necnon exemptiones, immunitates, & privilegia quacumque, quibus fratres, nepotes, & consanguinei nostri, & pro tempore existentis Romani Pontificis viventis fruuntur, potiuntur, & gaudent.

Privilegia Consanguineorum.

§.26. Ac demum illas ob numerum, duodecim filiorum concessas, quas tamen ad terminos eisdem Pii Papæ Quarti, & aliarum Apostolicarum Constitutionum, super similibus exemptionum declaratione editarum, & ad illas tantum, & pro tempore, & personis, ac eo modo, & forma quibus de jure communi illi competunt, ac alias juxta ipsius juris communis, & supradictarum, & aliarum Apostolicarum Constitutionum dispositionem reducimus, neque aliter, quam, ut præfertur, sive in petitorio, sive in possessorio suffragari volumus, & decernimus.

Item quedam alia.

No-